

# Ua ou iloa le mea e pese ai le manu saisaitia

Maya Angelou

O se manu sa'oloto ua oso  
i le papatua o le matagi  
ma faase'e i le tafe  
se'ia muta le au,  
ma lolō ona apa'au  
i ave sesega o le la  
ma folafola lana pule i le lagi.

Peita'i le manu i totonu o lona  
pa pumoo  
na te le 'au iloa atu i  
ona vaipa o le to'atama'i  
ona apa'au ua ta'oti ma  
ona vae ua noatia  
ona tatala lea o lona faa'i e pese.

E pese le manu saisaitia  
i se leo taotaomia  
e uiga i mea na te le iloa  
a o loo momoo i ai  
e lagona mai lana pese  
i tula mamao  
auā e pese le manu saisaitia  
i le sa'olotoga.

Ua mafaufau le manu sa'oloto i se isi savili  
ma le to'elau e agi malie i totonu o le uisa a la'au  
ma anufe lapopo'a o loo faatali mai i luga o le mutia ataeao  
ma ia faaigoa le lagi o lana.

A o le manu saisaitia o loo tu i luga o tuugamau o miti  
o lona ata e taufonō i le 'e'e a se faalepō  
ua ta'oti ona apa'au ma ona vae ua noatia  
ona tatala lea o lona faa'i e pese.

E pese le manu saisaitia  
i se leo taotaomia e uiga i mea  
e le'i tofo i ai  
a o loo momoo i ai  
e lagona mai lana pese i tula mamao  
auā e pese le manu saisaitia  
i le sa'olotoga.

